


From  
 Synod Literature & Publication Board  
 Synod Office  
 Aizawl – 796 001  
 Mizoram



# LÂWRKHAWM

## MLA-TE NEN INKAWM

Synod Executive Committee (SEC) chuan ni 5.6.2024 chawhma dâr 11 khân Lloyd Hall, Synod Office-ah MLA-te a kâwm a. SEC lam hi Rev. R. Vânlalngâka, Moderator-in a ho va; MLA-te hi Pu Lalduhoma, Chief Minister hovin 30 an lo kal bawk.

## NEICC BIENNIAL ASSEMBLY

May ni 16–19, 2024 chhông khân India hmârchhaka Kristian pâwl hrang hrang inzâwm khawm, NEICC (North East India Christian Council) Biennial Assembly vawi 4-na chu Jalukie Baptist Church, Nagaland-ah hman a ni. Mizoram Synod ațangin palai 30 an kal a, Mizoram Synod Choir an zai bawk. NEICC-ah hian tûnah member – kohhran 37 leh pâwl 18 an awm mêk.

## LAY DAY HMANG

Ni 31.5.2024 khân Synod Lay Workers Fellowship (SLWF) Annual General Meeting (Lay Day) chu Synod Hospital, Durtlângah hman a ni. Chawhma lamah Rev. R. Vânlalngâka, Synod Moderator-in Lay Day Address a sawi a. Lay Day thupui 'Rawngbâwlna leh tûnlai khawvêl' tih chu Upa R. Lalmalsâwma, Mission Vêngin a sawi bawk. Chawhnu lamah Multipurpose Hall, College of Nursing, Synod Hospital-ah variety programme hman a ni a, member pension-a chhuak mi 23 hnênah ngaihruina thilpêk hlan a ni bawk. Tlai lamah zanriah an kîl ho va. SLWF-ah hian tûnah member 1,000 chiah an awm.

## SYNOD EXECUTIVE COMMITTEE A ȚHU

June ni 4–7, 2024 chhông khân Synod Executive Committee (SEC) vawi 307-na chu Lloyd Hall, Synod Office-ah a Țhu a; Rev. R. Vânlalngâka, Synod Moderator-in a kaihrui a. Rev. P.B. Mankima, Synod Secretary leh Rev. V.L. Luaia Hranleh, Finance Officer-ten report an pe.

Secretary report-ah hian – April ni 26–28, 2024 chhônga Bial Inkhâwmpui tuang taka hman a nih thu te; May ni 1–5, 2024 chhôngin Châtîlâng Kohhran Biak Inah PCI General Assembly vawi 45-na thlen a nih thu te; SEC-in a lo rêl tawh anga HmunȚha leh Maite inkâr kawng siam Țha tûra sawrkâra thlen a nih thu te, inkhâwmpui hrang hrangah Synod ai awha palai intirh a nih thu te; February leh June SEC Țhut inkârah RC 214 leh RL 290 pêk chhuah a nih thu te târ lan a ni.

Finance Officer report-ah April 2023–March 2024 Synod sum dinhmun târ lan a ni a. Sum hmuh zawng zawng ₹3,95,07,74,653/- a ni a, Pastoral-ah ₹2,21,49,26,750/- leh Mission (Ramthar)-ah ₹1,73,58,47,903/- hmuh a ni. Tangka kum kal ta chhônga sum hman

zawng zawng ₹3,96,65,83,734/- a ni a, Pastoral-ah ₹2,44,13,97,979/- leh Mission (Ramthar)-ah ₹1,52,51,85,755 hman a ni. Nikum lam khûmna – hmuhna lamah ₹22,34,98,245/- leh hmanna lamah ₹89,20,03,334/- a ni. Tangka kum kal ta chhông khân Bial hrang hrang thawhlâwm theh luh ațanga hmuh zât chu ₹3,69,67,61,527/- a ni a, hmuhna dang ațangin ₹25,40,13,126/- hmuh a ni bawk.

Tûn Țuma agenda 80 chuang zîngah – Contract leh Daily rate en Țhat rawtna te, Pêm Upa thlan nawnte certificate pêk rawtna te, CKȚP hruaitu thlan dân chungchâng te, Mizo kûtpui kan hman Țhin Țha zâwka hman rawtna te, Synod Hospital kum 100 tlin lawm dîlna te, PRESCOM leh Synod Hospital dinhmun en Țhat chungchâng te a tel.

## SYNOD HIGHER SECONDARY SCHOOL-IN TI ȚHA

Ni 21.5.2024-a MBSE-in HSSLC 2024 result a tihchhuahah Synod Higher Secondary School result chu hetiang hi a ni:

### ARTS

Exam zawng zawng .....	221
Pass .....	210 (95.02%)
Distinction .....	30
I Division .....	100
II Division .....	69
III Division .....	11

### Top Ten-a langte

4-na : Vânlalkohbiki	d/o Vânlalthara – 454/500
4-na : C. Lallâwmawma	s/o Robert Lalthanpuia – 454/500

10-na : T. Ramdinpuia

s/o T. Zodinthara – 444/500

### Mark hmu tam ber

Vânlalkohbiki – English (93/100)

### SCIENCE

Exam zawng zawng .....	106
Pass .....	81 (76.42%)
Distinction .....	7
I Division .....	64
II Division .....	10

### Mark hmu tam ber

H. Vânlalremuatpuia – English (93/100)

## SYNOD Newsletter

## EDITORIAL STAFF

Rev. Lalbiaknia  
(9862362913)

Rev. V.L. Luaia Hranleh

Upa K. Lalnginglova

Zohmingliana Colney  
(9615231750)

## SYNOD CHHAWMDAWLNA

Tûn hnaia harsatna hrang hrang tâwkte hnênah Synod Relief Fund aţangin hetiang hian chhawmdâwlina pawisa pêk a ni:

Khua	Pêk chhan	Chhûngkaw zât	Pêk zât	Khua	Pêk chhan	Chhûngkaw zât	Pêk zât
North Khawlêk	In chhia	32	4,80,000	Model Vêng	Damlo	1	10,000
Buhchangphai	Thlipui tuar	33	3,56,000	Kanchiwala,			
Vânbâwng	In chhia	21	3,15,000	Kaisanary	Damlo	1	10,000
N.E. Khawdungsei	In chhia	10	86,000	Ramchandi, Kaisanary	Khawsak harsa	1	10,000
Dampui	In chhia	7	70,000	Mayapur, Kaisanary	Damlo	1	10,000
Hualngohmun	In chhia	6	60,000	E. Lungdâr Vênghlun	Damlo	1	10,000
Chhiahtlâng Kâwn	Lei min			Tlângpui	Thlipui tuar	33	3,70,000
Vêng Kohhran	dâwlina atân		50,000	Falkâwn Hmâr Vêng	Reception Hall		
Suangpuiâwn	In chhia	3	45,000	Kohhran	leh S.S. Hall		
Tualchêng	Damlo leh				chhia ţanpuina		30,000
	khawsak harsa	3	30,000	S. Chawngtui	Khawsak harsa	3	30,000
Mualkhang	Damlo	3	30,000	Kolasib Vênglai	In chhia	2	20,000
Hliappui	In kâng	1	20,000	Sakawrdai	Damlo	1	10,000
Pâmchung	Damlo	2	20,000	Bairabi	Damlo	1	10,000
Tlângnuam South	Damlo	1	10,000	Vaikhawtlâng	Damlo	1	10,000

## Editorial.....

### MALSAWMNA THLENTU

Pathian kaihruaina dawngin 2024 kum chanve chu kan hmang zo leh ta reng mai. Kumin chhûnga kan hun hman tawhah khân mi dang tân malsâwmna thlentu nge kan nih harsatna thlentu tih inngaihtuah ila. Mi dang tâna malsâwmna thlentu nih theihna remchâng bawhpelhtu kan ni thei baw. Eng pawh ni se, kan hmabâkah hian mi dangte tân malsâwmna thlentu ni tûrin inbuat-saih ila. Hun remchâng kan neihte pawh bawhpelh lova, ţangkai taka hmang tûra inpêk a ţhain a pawimawh hle dâwn a ni.

Thil ho tēja kan ngaih pawh hi mi dangte nun tihlimtu leh beiseina petu a ni thei fo. Hmêl hlim taka mi biak leh hawihhâwmna lantîrte hi nun ngui leh beidawngte tiharhtu a ni thei a. Kan ţawngkam khat lek pawh mi dangte rilru hah thawi damtu a ni thei baw. Sawrkâr leh khawtlângin a khap leh a duh loh thil tih loh te hi a harsa hauh lo. Zân reia kawngpuia chak leh bengchheng taka tlân chiam te hi bânsan ila, lung lam ţha lo leh damlo mu thei lote tân malsâwmna thlentu kan ni mai dâwn a ni. Kum hlui thlah zâna hâlpuah hâl lo hian ringtu, khua leh tui ţha kan ni thei zawk êm êm a ni. Sum leh paj, tha leh hun sênga mi dang ţanpui thei tûr leh mi dang tâna malsâwmna thlentu ni tûrin ţan i la ţheuh ang u.

### Presbyterian English School (PES):

Kumin 2024 HSLC result-ah khân PES hrang hrangten Pathian zârah result ţha tak an nei a. PES-ah hian Pâwl 10 nei chin sikul 38 a awm a, chûng zinga sikul 7-ah chuan zirlaite an pass vek a ni. HSLC exam zawng zawng 875 zînga 782-in an pass a, za zêla 89.37-in an pass.

**Literature Seminar:** June ni 8&9 khân Rabung Pastor Bialah Literature Seminar leh Campaign hmanpuiin Rev. Lalbiaknia, Editor; Pu Zohming-liana Colney, Joint Editor leh Pi Rallianthangi, OA-te an kal. Hemi hun chhûng vêk hian Mamit Dinthar Pastor Bialah Literature Seminar hmanpuiin Pu Zohmangaiha, Asst. Editor leh Pu Eric Lalnunmawia, OA-te an kal baw.

### THAWKTU THAR

Synod Service Board chuan hêng mite hi Synod hnuai hna hrang hrang contract-a thawk tûrin a la thar a, an hnate hi ni 3.6.2024 khân an zawm:

- Office Assistant**  
R. Vânlalpêka s/o R. Lalhmachhuana, Ramthar North
- Synod HSS zirtîrtu**  
James Lalnunzira s/o PC Zothanpianga Ramhlun North
- Staff Nurse, John Williams Hospital (Lunglei)**
  - Loisy Lalchhandami d/o C. Laldika Durtlâng Leitan
  - Esther Vânlalrinzuali d/o Vânlalsâwma, Sairâng Sihhmui

### Synod Social Front Campaign: Ni

20.5.2024 zân khân Champhai Vêngsâng Bial KĶP huapin 'Fa neih tam inzirtîrna campaign' buatsaih a ni a, hetah hian SSF aiawhin Rev. Lalbiaksânga Pachua, Khawzâwl FG&CC Counsellor a kal. Ni 21.5.2024 zân khân 'Tûnlai khawwêla nute tlâkchham' tih thupui hmangin Mission Vêng Kohhran Hmeichhe inkhâwmah campaign-in Upa R. Zirokûnga, SSF Executive Committee member a kal. Ni 26.5.2024 zân khân Salem Vêng Kohhranah 'Ruihlo leh mipat hmeichhiatna hman khawloh' campaign-in Dr Robert S. Halliday, campaigner a kal baw. June ni 8&9 khân Vânzau Bialah 'HIV/AIDS & Moral Reforms awareness campaign' hmanpuiin Pu Alan Lalmuanpuia leh NI. Lalchhuanzuali-te an kal baw.

**Lay Leaders Training:** SMTC buatsaih, Lay Leaders Training wavi 225-na chu May ni 21-24, 2024 chhûng khân SMTC Hall, Mission Vêngthlangah buatsaih a ni. May ni 21 zân khân training hi Rev. V.L. Luaia Hranleh, ES i/c SMTC-in a hawng a, thuchah a sawi baw. May ni 24 zâna training khârnaah Rev. H. Remthanga, SMTC Managing Committee Member-in certificate hlânin thuchah a sawi thung.

**Refresher Training:** SMB hnuai Nurse-te tân ni 3.6.2024-3.7.2024 chhûng hian Synod Office-ah Refresher Training buatsaih a ni a, tun tumah hian training tûrin Nurse 30 koh an ni. SMB hnuai Nurse-te hi a tahtawla training-tîr thîn an ni.

# Râl Vêngtu

Tûk khat chu hruaitu pawimawh tak tak hian Râl Vêngtu an lêngchilh a, heti hian an sawi a:

Tlângrâwna chuan, “Râl Vêngtu, khawtlâng leh kohhranah pawh mipuite hian dân leh kalhmang an zui tha duh lo ta riau hi eng nge a chhan ni ang le?” a ti a. Dânhriaa chuan, “Dân te hi kan sawi tamin an hre viau naa, an zâwm tha lo fo mai hi a mak ngawt mai,” a lo ti ve bawk a. Châwllowa chuan, “Ni e, hruaitu senior ka ni a, kan thu eng vakah an ngai lo te pawh hi a thinrimthlâk viau a ni,” tiin a rawn sawi chhonzawm a.

Râl Vêngtu chuan, “Han sawi zêl teh u. In thil sawi chuan beng a verh riau mai,” tiin hruaitu pawimawhho chu a en kual a.

Sawithiama chuan, “Râl Vêngtu, hmun tin hmun tangah thusawi tûin Pu Hretama te, Pu Hrilvêla te, Pu Hrerila te nên hian min sâwmin kan chhuak âwl lo va. Mahse, kan hrilh ang hian an nung chuang lo. A hlimawm leh nuhizatthlâk hi an duh ber niin ka hria,” tiin a rawn sawi ve leh a.

Râl Vêngtu chuan, “Thil pakhat, pawimawh si hmaih in nei a ni âwm mang e aw! In hre ril a, in sawi thiam a, in sawi nasa bawk. Mahse, mipuite hian in sawi bâkah nangmahni hi an ngaithla tel che u a, an chik reng che u asin. Dân zâwmtu, dik taka titu, rinawm taka ti thîn chungin mipui va zirtîr ang che u. Tichuan, in thu an awih mai ang,” a ti ta a. Hruaitu pawimawhte chu zawimuangin an inzui chhuak ta dam dam a.

**Training:** May ni 14–24, 2024 chhûng khân MTC-ah Field Secretary leh Field Pastor-te tân Mission Orientation Course Training buatsaih a ni a; Field Secretary pakhat leh Field Pastor pakua, an vaiin mi 10 an tel.

## SYNOD HOSPITAL, DURTLÂNG THILPÊK DAWNTE (April 2024)

### I. CHARITY FUND

1. Upa Vânlalthanga, Châlâng	₹1,000
2. Pu R. Lalchungnunga, Sâmtlâng	₹1,00,000
3. Pu Vânlalhuma, Dinthar I	₹5,000
4. Pu Zodinlana, Mission Vêng, Aizâwl	₹2,000
5. Pi Lalremi, Zêmbâwk North, Aizâwl	₹4,000
6. Thênzâwl Vêngthlang Kohhran Hmeichhia	₹5,000
7. Zêmbâwk Pastor Bial Kohhran Hmeichhia	₹20,000
8. Tanhril Pastor Bial Kohhran Hmeichhia	₹20,000
9. Lêngpui Pastor Bial Kohhran Hmeichhia	₹10,000
10. Vaivakâwn Pastor Bial Kohhran Hmeichhia	₹30,000
11. Sesawng Pastor Bial Kohhran Hmeichhia	₹10,000
12. Sairâng Dinthar Pastor Bial Kohhran Hmeichhia	₹50,000
13. Tlungvêl Pastor Bial Kohhran Hmeichhia	₹10,000
14. Republic Vêng Pastor Bial Kohhran Hmeichhia	₹30,000
15. KTP, Mêliat Pastor Bial	₹10,000
16. Lungdai Kohhran	₹4,000
17. Keitum Pastor Bial	₹10,000
18. Chhiahtlâng Kohhran (30.3.2024)	₹5,000
19. Hming thup	₹2,892
20. Hualngohmun Kohhran	₹17,630
<b>Belh khâwm</b>	<b>₹3,46,522</b>

### II. THISEN PETUTE

	<b>Unit zât</b>
1. KTP, Khatla North Branch	36
2. KTP, Ramthar Tlâng Vêng Branch	32
3. KTP, Sairâng Pastor Bial	51
4. KTP, Zuangtui Pastor Bial	42
5. KTP, Bûngkâwn Pastor Bial	76
<b>Belh khâwm</b>	<b>237</b>

### III. THIL DANG PETUTE LEH AN THILPEK

1. **Pu K. Dênghluna, Châlâng** – Administrative Office-a hman tûr refrigerator pakhat.
2. **Pi Evelyn Lalhmangaihi w/o Dr Vânlalthana, Ramhlun North** – Birthday pualin K. Ward tân ₹10,000/-

3. **Hming thup** – Maternity Pack 20.
4. **Hming thup** – Palliative Care tân ₹20,000/-
5. **KTP, Chawlhmun Branch** – Plastic Bench 3 seater pahnih.
6. **KTP, Thênzâwl Vêngthlang Pastor Bial** – Hmunphiah 50.
7. **KTP, Sakawrtuichhûn Pastor Bial** – Chapel-a hman tûr wall fan pahnih.
8. **KTP, Sihphîr Pastor Bial** – Grace Home tân ₹5,000/-
9. **Mualkhang Kohhran Hmeichhia** – Hmunphiah 150.
10. **Lêngte Kohhran Hmeichhia** – Hmunphiah 60.
11. **N. Châlâng Vêngthlang Kohhran Hmeichhia** – Hmunphiah tam tak.
12. **Chhiahtlâng Pastor Bial Kohhran Hmeichhia** – Grace Home tân ₹5,000/-
13. **Bâwngkâwn Bethel Pastor Bial Kohhran Hmeichhia** – OPD thutthlêngseia dah tûr cushion 7.
14. **Zêmbâwk Pastor Bial Kohhran Hmeichhia** – Grace Home tân ₹10,000/-
15. **Durtlâng Pastor Bial Kohhran Hmeichhia** – OPD thutthlênga dah tûr cushion 10.
16. **Tlungvêl Vêngthar Pastor Bial Kohhran Hmeichhia** – Hmunphiah 100.
17. **Kulikâwn Pastor Bial Kohhran Hmeichhia** – Lâwmna Ward tân ₹50,000/-
18. **Zaite Pastor Bial Kohhran Hmeichhia** – Grace Home tân ₹8,435/-

### LAWM THU SAWINA

Hospital tâna thilpêk chi hrang hrang – sum leh pai te, thisen hlu tak te, leh thil hlu leh tângkai tak tak min petute chungah Pathian hmingin lâwm thu kan sawi e. In thilpêkte hi mamawhtuten dampui nân an hmang mék a, an la hmang zêl bawng ang. Tam lehzuala in luan chhuah theih nân Pathianin malsâwm vek che u rawh se.

Thil pe duh tân a hnuai phone number târ lanah hian eng tik lai pawhin a biak theih a ni, chûngte chu: Director – 9436154365 leh Nursing Superintendent – 8729858633 a ni e.

Rev. R. Lalvulluaia  
Chaplain, Synod Hospital, Durtlâng

**Counselling Training khâr:** May ni 13, 2024 zân khân Pi Zaii Hall, Synod Conference Centre-ah May ni 6–13 chhûnga FG&CC-in Pastoral Care & Counselling Training wawi 38-na a buatsaih chu khâr a ni. Tûn tumah hian Bial 8 atângin kohhran hruaitu 35 kohvah 32 an tel.

**Central Kohhran Hmeichhe Committee wawi 561-na:** Ni 22.5.2024 khân Central Kohhran Hmeichhe Committee wawi 561-na a thû a, Pi Zothanpari, Chairman-in a kaihruai. Pi H. Lalfakmawii, General Secretary leh Pi Zothansiami, Treasurer-in report an pe bawng.

**FINANCE COMMITTEE A ̄THU**

May ni 15&16, 2024 khân Synod Finance Committee vawi 149-na a ̄thu a, Rev. R. Vânlalngâka, Synod Moderator-in a kaihruai a, member 51 an tel. Rev. V.L. Luaia Hrânleh, Sec-retary/Finance Officer-in report a pe.

Secretary report-ah hian Synod Office leh department hrang hrang leh Mission Field-te audit tuang taka zawh fel a nih thu te, kum 2023–2024 chhûnga Synod sum hmuh dân leh Bial leh kohhran thawhlâwm thawh dân a bua siam chu thawn chhuah a nih thu te, Income Tax buaipuitu sub-committee hma lâkna hrang hrang te ngaihthlâk a ni.

**PRESCOM BOARD A ̄THU**

Ni 10.5.2024 khân Presbyterian Communications Board vawi 179-na a ̄thu a, Rev. R. Vânlalngâka, Synod Moderator-in a kaihruai.

Upa H. Ronghâka, Board Secretary report-ah – PRESCOM sum audit zawh fel a nih thu te, meeting leh meeting inkârah Synod Press-in lehkhabu 95 a chhut thu te, Synod Inkhâwmpui leh KTP General Conference-ah Bookroom dâwr hawn a nih thu te, Synod Bookroom bungraw hralh zât leh stock awm zât hriat zung zung theihna tûr application software ‘Gobill’ siam a nih thu te, kum 2024 Puitling Sunday School zirleibu leh Nilai leh Beihruai thupui bu ̄tum thum chhut belh a nih tawh thu te târ lan a ni.

**SYNOD HOUSE STYLE CHUNG-CHÂNGA INRÂWN KHÂWMNA**

Ni 23.5.2024 chawhma dâr 10:30 khân J.M. Lloyd Hall, Synod Office-ah SL&PB buatsaihin Synod House Style chung-chânga inrawn khâwmna buatsai a ni a, Rev. V.L. Luaia Hrânleh, ES i/c SL&PB-in a kaihruai a, Rev. Lalbiaknia, Editor-in kal khawmte inhmêlhrattîrna hun a hmang a; Upa H. Ronghâka, BEC member-in Synod House Style chungchâng a sawi hawng a, sawi ho zui a ni. Mi sâwmte an lo kal ̄tha hle.

**MS THAWKTU INTUAI THAR**

May ni 24–26, 2024 chhûng khân College Vêng Kohhran Biak In, Aizâwlah SMB buatsaihin Masihi Sangati hnuai thawktute tân intuaitarna hun buatsai a ni a; resource person – Rev. Dr Vânlalbêla leh NI. Shalom Vânlalmawii-ten thupui thlan bîk hmangin zirtîrna an pe.

Inrinni zân ātanga Pathian biak inkhâwmah Rev. H. Laltilantanga, Synod Statistician; Rev. Dr K. Lallâwmzuala, ES i/c Mission; Rev. R. Lalhmingsânga, SMB Secretary leh Rev. R. Lalrinsânga, MSK Director-ten Pathian thuchah an sawi.

**BOOKROOM CONFERENCE**

Ni 30.5.2024 khân Pi Zaii Hall, Synod Conference Centre-ah Synod Bookroom Conference 2024 hman a ni a. Kum 2023–2024 chhûnga Synod Bookroom Branch ̄tha ber chu Headquarters Showroom a ni.

**MCC-IN GRADUATION DAY HMANG**

Ni 29.5.2024 khân Mizoram Chris-tian College (MCC) chuan Synod Conference Centre, Mission Vêngah Graduation Day vawi 2-na a hmang.

He hun hi Ramnunmawia Pachuau leh Dr Gloria Laldinmawii-ten an kaihruai a; Dr Tâwnênga, Principal-in kal khâwmte lawmna leh zirleite hnêna thuchah a sawi a. Rev. V.L. Luaia Hrânleh, ES-in kal chhuak tûrte thlahna thuchah a sawi a. Zirtîrute aiawhin Dr L.V. Lalrintluangin thu a sawi bawk. Rev. Dr K. Lallâwmzuala, ES-in ̄tawngtâiin MCC Graduation Day vawi hnihna hi a khâr a ni.

**ORIENTATION TRAINING**

May ni 21–23, 2024 chhûng khân Devotion Hall, Synod Office-ah Synod Mission Board hnuai Headmaster leh OA tharte tân Orientation Training buatsai a ni a, training-ah hian mi 13 an tel. Training hi May ni 23 chawhnu dâr 3–5 khân khâr a ni a. He hun hi Rev. Dr K. Lallâwmzuala, Executive Secretary i/c Mission-in kaihruiin fuihna thuchah a sawi bawk.

**PES HSLC RESULT ̄THA LAWM**

Ni 31.5.2024 chawhnu dâr 2 khân Lloyd Hall, Synod Office-ah PES hnuai sikul hrang hranga HSLC result ̄tha lawm a ni. Distinction-a pass mi 59-te hnênah lawmpuina ₹10,000/- leh thuziak hlan a ni a, sikul titha 3 leh pass kim vek sikul 7 chu lâwmman pêk an ni bawk.

**LITERATURE SEMINAR**

Synod Literature & Publication Board Office chuan hetiang hian hmun hrang hrangah Literature Seminar leh Literature Campaign an hmanpui a. Hêngah hian literature hlutna leh rawngbâwlnaa a pawimawhna te, kohhrana Mizo ̄tawng dik hman chungchâng te, lehkhabu ̄tha chhiar tam pawimawhzia te zir ho a ni.

**1. Khuanglêng Pastor Bial KTP:** Ni 25.5.2024 nilêngin Literature Seminar buatsai a ni a. Seminar hmanpui hian Rev. Lalbiaknia, Editor; Pi Rinsailovi, Asst. Editor; Pu Eric Lalnunmawia, OA leh Tv. Laldinpuia, OA-te an kal. May ni 25 zân ātanga May ni 26 (Pathianni) zân thleng Bial chhûng kohhran hrang hrangah Literature Campaign hman chhonzawm a ni bawk.

**2. Thingsûlthliah Pastor Bial:** Ni 1.6.2024 (Inrinni) khân Literature Seminar leh Campaign hmanpuiin Rev. Lalbiaknia, Editor; Pi Rinsailovi, Asst. Editor; Rev. C. Sângliana, BEC member leh Upa R. Lallianzuala, Chanmari-te an kal.



Khuanglêng Pastor Bial KTP



Thingsûlthliah Pastor Bial